



Kamis, 10 Juni 2021
Ogen: Ezekiel 2:1-10



Ngerana ateku ras kam



“O manusia si ermasap-masap, ngerana ateKu ras kam”, enda me kata sinibelasken Tuhan sipemenana kal man Esekiel. Esekiel i bas paksa e seh mbiarna emaka langkem ia i babo taneh. I bas megiken sora ndai Esekiel ibengketi Kesah Dibata emaka reh tangkasna ibegina sora Tuhan. Tuhan nuruh Esekiel guna nuriken pesanNa man bangsa Israel eme bangsa si berontak ngelawan Tuhan, mekung, la mehamat man Dibata, megombang dengen la megiken kata suruh-suruhan Tuhan. Enda me kegeluhen bangsa Israel si man layanen Esekiel. Tentuna enda jadi sada perbeben si mberat man Esekiel, emaka sope denga ilakoken Esekiel kerna dahin enda enggo leben ngerana Tuhan man bana. Arah sora Tuhan e tangkas man Esekiel sikap geluh si kuga arus ilakokenna. Tangkas pe kai arus ilakokenna eme kap la banci mbiar man bangsa e aminna kai pe si ikatakenna, janah terus nuriken kai si ikataken Tuhan subuk ibegiken entah la ibegiken bangsa e (ay 7). Tujun si enda kerina eme segelah ieteh bangsa Israel maka lit nabi i tengah-tengahna (ay 5). Esekiel ngidah uga latihna dahin si man dahinkena; ngalaken manusia-manusia si la ngit megiken ranan Tuhan, emaka guna si e Tuhan nuruh Esekiel guna man undang-undang siibereken Dibata man bana (ay 8).

Kai banci si renungken arah enda kerina? Tuhan ngerena man Esekiel si meteruk ukur i ja langkem i babo taneh (*sembah sujud, mehamat*) ngatakenca maka ia la layak, pantas ngerana/jumpa ras Tuhan bagi taneh si la merga, tapi ilayakkan Tuhan alu ia idemi alu Kesah Dibata. Kiniteruken ukur, jadi ingan Dibata ngerana man banta alu makeken Kesah si Badia seh maka si eteh kai arus sidalanken, uga arus biak geluh si man cidahenken aminna e mbue ritangen tapi Tuhan pasti ngkuhisa seh maka lanai mbiar ndalanisa.

☞ *Kiniteruken ukur dalam Dibata guna peseh kataNa*